



Rupertus filius fuit Vitechundi Saxoniae ducis, qui Christianam religionem sub Carolo Magno susceperat. Is ob insignem corporis & animi uirtutem Ludouici Pij Imperatoris castra secutus, magnam ubique existimationem ob uirtutes nactus est. Itaque Carolus Ludouici Caesaris filius ei ducatum inter Ligerim & Sequanam commendat, ut Francorum regnum aduersus Britannos tueretur. Id quod ipse magna uirtute expediuit, ita ut à nostris semper Iudæ Machabæo comparatus fuerit. Cum autem postea Nordmanni Hastingo duce oram Ligeris inuaderent, atque Andegaves, Pictones, & Turones crudeliter deuastarent, Ru-

pertus eius limitis dux collectis raptim copijs hostibus obuiam profectus est. Quod ubi Dani p speculatores explorarunt, ad classem quam in littore reliquerant, retrò referre pedem coeperunt. sed intercepti ab exercitu Franc. impediti fuerunt.